

太上說安宅土地龍神經

爾時。

天尊同諸仙眾遍遊世間到華蓋
山中。見一老人身長六尺腰繫包
帶腳踏包履手執曲木杖。天尊
問老人曰。汝是何神何得獨居在

提應壇

第一頁

山中有何道德。老人答曰。吾是華
蓋山中土地。住在山林管領虎豹
豺狼蟲蛇禽獸之類。中管人間帝
王於國於家。住宅五方土地龍神。
二十四向。三十六將士禁忌諸神。
皆是吾之所管。在山中為之山神。



土地。吾在園林為之園林土地。吾在人間為之住宅土地。在寺觀為之伽藍土地。吾在廟宇為之里域真宰。吾在法行為之功曹土地。吾在州縣為之城隍土地。管人壽命長短。富貴貧賤職祿衣食。察人間

善惡。持齋念經修設功果。孝順父母敬重三寶。每月初二十六日是吾之衙日。吾當下降知人間善惡。鑑人間齋醮燒香禱祝修諸功德。但是甲子之日。溫鄭二使者隨門抄寫。司命帝君及門丞戶尉察

人間善惡。殺害眾生。不孝父母。不重。三寶。及一切無善功之人。多遭惡業。至庚申之日。上奏天曹。定其簿書。凡人不識惡星神煞之位。九宮艮星之禁忌。觸犯者。諸多不識。起動五土龍神。凶神。土府土公。

土母土侯土伯土子土孫管下二十四位神將。盡是吾之管屬。疾病官符百怪競生。盜賊侵欺。口舌橫起。瘡疥瘡癰。夢想顛倒。營求無利。酒醋酸損。牛羊傷害。邪妖亂入。作怪。多以錢財耗散。人口亡歿。多發。

虛病恐生患難臨身及諸苦惱。
伏乞眾真錫慶保佑命之。
天尊言。善哉善哉。若有善男信
女發弘誓願。持誦此經或一遍三
遍至七遍。功德無量其災自滅。
即說咒曰。

捷應壇

第四頁

元始安鎮	普告萬靈
嶽瀆真官	土地靈祇
左社右稷	不得妄驚
回向正道	內外澄清
各安方位	守備家庭
招財進寶	添子旺孫

太上有命 搜捕邪精

護法神員 保衛誦經

皈依大道 元亨利貞

急急如律令

爾時。

天尊說是咒畢解安至神。若有善

捷應壇

第五頁

男信女書寫此經流傳於世。受持
讀誦滅除罪根。悉憑懺悔。家門康
泰。男忠女貞。夫妻和睦。兄弟和順。
田蚕忝熟。牛馬成群。酒醋甘香。買
賣事成。凡事亨通。於是 神安方
隅。家宅興隆。災禍不生。福集駢祥。

冥冥法書土地人間真實不虛。福
祿增生壽年綿遠富貴吉昌獲福
無量。

天尊說是經畢。大眾咸聽聞知者
皆大歡喜作禮而退。信受奉行。
太上說安宅土地龍神妙經終

